

Poziv za dostavljanje prijava za konsultantski angažman grafičkog dizajnera

Osnovne informacije

Međunarodni forum solidarnosti - EMMAUS (ured Sarajevo) poziva grafičke dizajnere/konsultante da dostave ponudu za pripremu i izradu grafičkih rješenja/vizuala za društvene mreže i web platforme.

Međunarodni forum solidarnosti - EMMAUS (MFS-EMMAUS) je domaća, nevladina, humanitarna organizacija koja preko 25 godina radi na pružanju pomoći ranjivim kategorijama stanovništva. Sa svojom mrežom od šest (6) ureda širom Bosne i Hercegovine (Doboj Istok, Sarajevo, Srebrenica, Zvornik, Velika Kladuša i Mostar), MFS-EMMAUS predstavlja jednu od najvećih samoodrživih nevladinih organizacija u zemlji i regionu, koja realizira projekte u suradnji sa vladinim institucijama, nevladinim partnerima, lokalnim akterima, te inostranim donatorima i organizacijama. Ured Sarajevo je posebno fokusiran na sprečavanje trgovine ljudima, ilegalnih migracija, zloupotrebe i iskorištavanja djece i mladih u digitalnom okruženju, te svih drugih oblika nasilja nad djecom.

Zaduženja i odgovornosti

Odabrani grafički dizajner/konsultant će pružati usluge dizajna i izrade grafičkih rješenja/vizuala za socijalne mreže i web stranice u sklopu Centra za sigurni internet i Resursnog centra za sprečavanje trgovine ljudima:

- priprema i izrada grafičkih rješenja i vizuala za objave na društvenim mrežama, što uključuje grafička rješenja/ilustracije za postove, story-je i cover slike za Facebook-u i Instagram-u, kao i grafička rješenja za objave na web stranicama;
- priprema i izrada grafikona za predstavljanje nalaza istraživanja;
- priprema i izrada infografika;
- uređivanje kratkih video materijala za objave na društvenim mrežama.

Dinamika pripreme i kreiranja gore navedenih grafičkih rješenja/materijala je na sedmičnoj osnovi (minimalno 5 materijala sedmično koji prate objave na društvenim mrežama i web stranicama).

Ekspertiza i iskustvo grafičkog dizajnera

Za obavljanje gore navedenih zadataka, grafički dizajner/konsultant treba da ispunjava sljedeće kriterije:

- minimalno 2 godine iskustva u obavljanju poslova iz oblasti grafičkog dizajna;
- napredno poznavanje dizajnerskih alata i software-a (primarno Adobe Illustrator i Adobe Photoshop);
- iskustvo u uređivanju video materijala;
- poželjno prethodno iskustvo u izradi materijala namijenjenih djeci.

INTELEKTUALNO VLASNIŠTVO

Svi proizvodi koji nastanu u okviru ove aktivnosti pripadaju MFS-EMMAUS-u koji ima ekskluzivna prava nad njihovom upotrebom i daljom distribucijom.

Budžet i prijava

Grafički dizajner/ica treba da navede očekivanu finansijsku naknadu za angažman u KM valuti za svaku pojedinačnu stavku koju nudi kroz svoj rad. Zainteresovani kandidati/kinje treba da pripreme i dostave ponudu (sa odgovarajućim priložima) na lokalnom jeziku.

Ponuda mora da uključuje sljedeće:

- tehnička i finansijska ponuda prema formularu u prilogu;
- biografija,
- portfolio sa primjerima ranijih radova.

Zainteresovani kandidati treba da dostave svoju ponudu na sarajevo@mfs-emmaus.ba ili na adresu Paromlinska 10, Sarajevo, a najkasnije do 08.05.2024. Samo kandidati koji uđu u uži izbor će biti kontaktirani.